

ANGAZHIMI PËR VEPRIM TË PËRBASHKËT - EJA KOSOVË

UDHËZUES PËR APLIKIM PËR GRANTE TË VOGLA PËR PROJEKTE

HYRJE

Angazhimi për Veprim të Përbashkët (EJA Kosovë) është program i KCSF-së që mbështet nismat e shoqërisë civile përmes granteve dhe ndërtimit të kapaciteteve me synimin e përgjithshëm për t'i kontribuar një shoqërie demokratike e gjithëpërfshirëse në Kosovë në rrugën e saj drejt integritimit në Bashkimin Evropian. E themeluar si mekanizëm i financimit ku disa donatorë i bashkojnë fondet e tyre për përkrahjen e shoqërisë civile, EJA Kosovë aktualisht financohet bashkërisht nga Agjencia Zvicerane për Zhvillim dhe Bashkëpunim (SDC) dhe Agjencia Suedeze për Zhvillim dhe Bashkëpunim Ndërkombëtar (Sida).

Duke vënë në plan të parë angazhimin dhe pjesëmarrjen e qytetarëve përgjatë tërë punës së shoqërisë civile, EJA Kosovë synon të kontribuojë drejt dy qëllimeve kryesore ku: (a) shoqëria civile shfrytëzon hapësirat për avokim dhe synon krijimin e mundësive/hapësirave të reja për pjesëmarrje të qytetarëve dhe qytetarëve në formësimin e çështjeve me interes publik, dhe (b) organizatat e shoqërisë civile forcojnë lidhjet me qytetarë dhe përmirësojnë llogaridhënien dhe transparencën ndaj anëtarëve dhe publikut të gjerë.

EJA Kosovë bazohet në premisën që përmes sistemeve të gjithëpërfshirjes, transparencës dhe llogaridhënies nga njëra anë, dhe qasjes dhe komunikimit më të mirë me komunitetin, nga ana tjetër, OSHC-të do ta përbrendësojnë praktikën e përfshirjes së qytetarëve në punën e tyre dhe do të zhvillojnë një bashkëpunim më të thellë duke i kontribuar kështu drejtpërdrejt forcimit të lidhjes me grupet e qytetarëve për të cilët angazhohen. E kombinuar me qeverisje të brendshme më të mirë dhe transparencë e llogaridhënie të shtuar, EJA Kosovë pritet të rrisë besimin në shoqërinë civile si një platformë e përshtatshme për t'i shprehur shqetësimet e qytetarëve.

Kosova vazhdon të përballë me shumë vështirësi socio-ekonomike, me papunësi të lartë, gjendje ekonomike të rënduar, nivele të larta të korrupsionit dhe mos-besim në institucione publike. Gratë, rinia, pakicat nga komunitetet Rom, Ashkali e Egjiptian si dhe Serb, personat me nevoja të veçanta, komuniteti LGBTI dhe të moshuarit janë më të prekurit nga këto vështirësi. Roli i shoqërisë civile është që t'iu shërbej këtyre grupeve, por poashtu edhe kërkesa për përgjigje institucionale për nevojat e tyre. Ngjajshëm, shoqëria civile e ka të domosdoshme për të përforcuar lidhjet me qytetarët, për të ndërtuar besim dhe komunikim me komunitetin dhe për të vepruar si mbikqyrës të institucioneve. Përhapja në nivel global e COVID-19 dhe efektet e kësaj pandemie kanë ekspozuar edhe më tej të pabarazinë në shoqërinë tonë, duke ndikuar në mënyrë disproporcionale në grupet më të marginalizuara. Pabarazitë tashmë ekzistuese në shoqërinë tonë do të bëhen edhe më të thella nëse grupet e marginalizuara nuk sillen në qendër të vëmendjes gjatë fazës së rimëkëmbjes. Është e nevojshme që shoqëria civile të mobilizohet dhe t'iu jap zë atyre që iu duhet më së shumti në këtë kohë.

Bashkëfinancuar nga:

1. HISTORIKU

Qytetarët e Kosovës po ballafaqohen me një pabarazi të thellë dhe shumicës së tyre iu janë tjetërsuar burimet, mundësitë, vendimmarrja dhe jeta politike. Proceset gjithëpërfshirëse dhe institucionet e hapura janë përjashtim, e jo normë.

Politikëbërja duhet të kuptohet përtej proceseve formale të natyrës normative, pasi ajo i përfshin të gjitha aspektet e shoqërisë dhe të jetës publike. Për t'i adresuar nevojat e të gjithë qytetarëve, politikëbërja duhet të jetë gjithëpërfshirëse, përtej atyre që janë në pushtet ose disa të tjerëve që janë të arsimuar mirë dhe elokuent në shkrimin ligjor dhe të politikave. Çdo kosovar, burrë e grua, djalë e vajzë, duhet ta ketë mundësinë për t'i adresuar nevojat, shqetësimet dhe propozimet e veta në mënyrën më të përshtatshme për kapacitetet, nevojat dhe kontekstin e tij/saj. Shoqëria civile ka një mundësi, por edhe përgjegjësi, për t'i fuqizuar qytetarët dhe për t'i sjellë shqetësimet dhe zërin e tyre në vëmendjen e politikave publike dhe të diskursit publik.

Të vetëdijshëm për diversitetin e shoqërisë civile dhe qasjet e ndryshme, EJA Kosovë përqendrohet në nisma të shoqërisë civile dhe individë që kultivojnë praktika pjesëmarrëse në punën e tyre sepse beson që vetëm duke i përfshirë sistematikisht qytetarët në punën e tyre, shoqëria civile u përgjigjet nevojave të qytetarëve. Për më tepër, EJA Kosovë beson që një përfshirje e tillë shkon paralelisht me rritjen e transparencës dhe llogaridhënies së shoqërisë civile, si dhe me përmirësimin e praktikave të qeverisjes së brendshme përtej dokumenteve e raportimeve. Bashkimi i përpjekjeve përmes rrjetëzimit dhe ndërtimit të aleancave do ta maksimizojë potencialin për ndryshim në një kontekst të burimeve të pakta njerëzore e financiare. Duke ua shtuar këtë kapaciteteve dhe përvojës tashmë ekzistuese të shoqërisë civile, EJA Kosovë synon ta ngushtojë boshllëkun ekzistues midis shoqërisë civile dhe qytetarëve dhe të kontribuojë në rritjen e legjitimitetit të shoqërisë civile.

a. Instrumentet e mbështetjes të EJA Kosovë

EJA Kosovë është dizajnuar me qëllimin për ta lehtësuar dhe mbështetur në mënyrë adekuate këtë qasje të re, përmes sigurimit të mjeteve të nevojshme financiare dhe kapaciteteve të nevojshme për iniciativat e shoqërisë civile dhe individët e interesuar për t'i kontribuar një shoqërie demokratike e gjithëpërfshirëse në Kosovë. Përmes *granteve institucionale*, EJA Kosovë do të mbështesë organizata të konsoliduara që kanë strategji të qartë për ta vazhduar punën e tyre në fushat përkatëse tematike; përmes *granteve për zhvillim organizativ*, EJA do t'i mbështesë organizatat që kanë drejtim të qartë të zhvillimit, por që kanë nevojë për mjete dhe burime specifike për ta avancuar punën e tyre; përmes *granteve për projekte*, do të mbështesë veprime specifike të nismave të shoqërisë civile dhe individëve që adresojnë çështje konkrete, qoftë të një natyre më sistematike ose më të kufizuar në shtrirje dhe kohëzgjatje; përmes *granteve urgjente*, EJA do të mundësojë reagime të menjëhershme të nismave të shoqërisë civile dhe individëve ndaj zhvillimeve të papritura të rëndësisë publike; dhe përmes *Çmimit për Demokraci që ndahet në baza vjetore*, do të njohë kontributet e jashtëzakonshme për zhvillimin e demokracisë në Kosovë dhe do të promovojë rastet dhe modelet që duhet ndjekur. Trajnimi dhe mentorimi, si dhe mundësitë për rrjetëzim dhe ndërtim të aleancave do të ofrohen si mundësi shtesë përveç mbështetjes financiare.

b. Grantet e vogla për projekte

Grantet e vogla për projekte kanë për qëllim të ofrojnë rezultate konkrete brenda një afati kohor të caktuar. Përfituesit e këtyre granteve mund të jenë individë, nisma të peregjistruara ose organizata joqeveritare që paraqesin idetë më bindëse dhe inovative që kanë potencial për avancimin e qëllimeve dhe objektivave të programit. Grantet e vogla për projekte do të mbështesin veprime dhe intervenime specifike të nismave të shoqërisë civile dhe individëve që adresojnë çështje konkrete, qoftë të një natyre më sistematike ose më të kufizuar në shtrirje dhe kohëzgjatje. Për më tepër, këto grante synojnë të mbështesin nismat e individëve, nismave të peregjistruara ose organizatave joqeveritare për projekte më të fokusuar dhe afatshkurtra. Nismat e shoqërisë civile kërkohet të veprojnë në lokalitetet e tyre përkatëse.

2. **KËRKESAT E PËRGJITHSHME TË THIRRJES**

a. Kriteret e pranueshmërisë

Për të pasur të drejtë për aplikim, aplikanti duhet t'i plotësojë kriteret në vijim:

- Të jenë individë (shtetas të republikës së Kosovës), nisma të peregjistruara ose organizata joqeveritare aktive në Kosovë të angazhuara në ndonjë iniciativë jofitimprurëse (degët e OJQ-ve të huaja dhe ndërkombëtare të regjistruara në Kosovë nuk kanë të drejtë të aplikojnë);
- Të kenë qarkullim vjetor jo më shumë se 25.000 EUR për secilin prej tre viteve të fundit (vlen vetëm për OJQ-të);
- Të jenë drejtpërdrejt përgjegjës për menaxhimin e projektit. Partneritetet me OJQ të tjera/nisma të peregjistruara lejohen vetëm nëse aplikanti kryesor merr përgjegjësinë e plotë për zbatimin dhe menaxhimin e projektit.
- Të demonstrojnë aftësi për menaxhimin e aktiviteteve kryesore të propozuara;
- Të mos jenë të udhëhequra ose të menaxhuara nga persona të ekspozuar politikisht.¹

b. Për individët dhe nismat e peregjistruara

Në rastet kur aplikantët janë individë ose nisma të peregjistruara, ata duhet të dëshmojnë se angazhimi i tyre nuk është për përfitim dhe interes privat por për përfitim publik. Aplikantët gjithashtu duhet të demonstrojnë që i plotësojnë në mënyrë të duhur kriteret përkatëse të pranueshmërisë. Kur këtyre aplikantëve u jepen grante, të gjitha pagesat në lidhje me grantet do të bëhen nga KCSF-ja. Përfituesit duhet të sigurohen që të gjitha faturat të pranohen në emër të KCSF-së dhe t'i dorëzohen KCSF-së me kohë. Të gjitha kërkesat e tjera që lidhen me administrimin e granteve janë të zbatueshme sikurse për organizatat joqeveritare.

¹ Për më shumë rreth kufizimeve në lidhje me personat e ekspozuar politikisht (PEP), shih mostrën e formës së aplikacionit.

c. Për organizatat joqeveritare

OJQ-të aplikuese duhet të demonstrojnë se angazhimi i tyre është në fushën e demokratizimit dhe fushave të programit EJA Kosovë. Përkundër statusit të tyre juridik, jo të gjitha OJQ-të janë të përfshira në kriteret e mësipërme të pranueshmërisë . Për shkak të fushëveprimit të gjerë të legjislacionit në fuqi në Kosovë për regjistrimin e OJQ-ve, klubet sportive, federatat sportive, shoqatat kulturore amatore ose organizatat fetare që janë të regjistruara si OJQ, nuk janë synim i granteve të KCSF-së. Ngjashëm, OJQ-të që përfaqësojnë biznese ose subjekte të ngjashme për të cilat është e qartë që kanë aftësi financiare për të mbuluar shpenzimet e organizatës së tyre ose për të përkrahur aktivitetet e tyre, nuk janë synim i granteve të KCSF-së.

d. Kohëzgjatja dhe buxheti

Organizatat do të kenë mundësi të aplikojnë për përkrahje për një periudhë maksimum 12 muajsh. Buxheti maksimal për një grant i kërkuar për financim nga kjo thirrje nuk duhet të kalojë 10.000 EUR (duke përfshirë edhe auditin).

e. Fushat e intervenimit

Mbështetja e EJA Kosovë do të përqendrohet në kontributin e shoqërisë civile për ciklin e politikëbërjes, duke i përfshirë gjithnjë e më shumë qytetarët në përpjekjet e tyre për avokim dhe duke krijuar dhe identifikuar vende dhe hapësira fizike e jo fizike për angazhim të qytetarëve.

EJA Kosovë synon t'i kontribuojë angazhimit të shtuar qytetar për të ndikuar në prioritetet, planifikim, marrje të vendimeve dhe zbatim të politikave publike në qeverinë lokale e qendrore, me theks të veçantë në fushat e mëposhtme prioritare:

- Pjesëmarrje më e lartë e grave dhe grupeve të tjera të marginalizuara në planifikim buxhetor;
- Përmirësimi i të drejtave socio - ekonomike e kulturore të grupeve të marginalizuara;
- Forcimi i rolit të shoqërisë civile në avokim dhe mbikëqyrje me theks të veçantë në të drejtat dhe nevojat e grupeve të marginalizuara;
- Fuqizimi i të rinjve për të marrë pjesë në hartimin dhe zbatimin e politikave;
- Edukimi qytetar për të drejtat e njeriut.

Aktivitetet e mbikëqyrjes, monitorimit të hartimit dhe zbatimit të politikave dhe legjislacionit, kontributi në politika publike, kontributi në temat kontraverze, përmirësimi i përfaqësimit të grupeve të marginalizuara, krijimi dhe shfrytëzimi i hapësirave publike, ngritja e vetëdijësisë dhe edukimi në luftimin e stereotipeve gjinore dhe përfaqësimi i romëve, ashkalinjëve dhe egjiptianëve do të ishin ilustrime të disa prej nismave që do të mbështeten dhe përshtaten brenda teorisë më të madhe të ndryshimit të këtij programi.

EJA Kosovë do të mbështesë projektet që do të përqendrohen në adresimin e të drejtave dhe nevojave të grupeve të marginalizuara, përkatësisht grave, personave me nevoja të veçanta, romëve, ashkalinjëve, egjiptianëve dhe pakicave serbe, komunitetit LGBTI, të moshuarve dhe të rinjve.

f. Niveli i intervenimit dhe mbulimi gjeografik

Përmes kësaj thirrje do t'u ofrohet mbështetje individëve, nismave të paregjistruara dhe OJQ-ve në mbarë Kosovën të cilat kërkojnë të sjellin ndryshime në nivelin lokal (komunal, qytetit, fshatit, lagjes) dhe/ose kombëtar (qendror). Në veçanti, të paktën 30% e përfituesve të granteve te vogla për projekte do të jenë për aplikantët me seli dhe që operojnë jashtë Prishtinës.

g. Përfshirja e qytetarëve në nismat e shoqërisë civile

Angazhimi i qytetarëve gjatë gjithë punës së organizatës është një aspekt i rëndësishëm i intervenimeve të mbështetura nën EJA Kosovë.

Prandaj, aplikantët pritet të sqarojnë qartë si mendojnë t'i përfshijnë qytetarët në punën e tyre, në kuadër të aktiviteteve të tyre aktuale dhe punën e tyre në të ardhmen.

Aplikantët duhet ta paraqesin një analizë të qartë të grupit të tyre të synuar, arsyen pse angazhimi dhe pjesëmarrja e tyre është e rëndësishme për punën e organizatës dhe projektin në veçanti si dhe mënyrat e ndryshme në të cilat synojnë t'i angazhojnë grupet e synuara.


Në analizën e grupit të tyre të synuar, aplikantët pritet të njohin dallimet e atyre grupeve (si gjinia, mosha, përkatësia etnike, feja, arsimit, vendndodhja, rrethanat socio-ekonomike, interesat dhe nevojat e ndryshme) dhe t'i përshtatin propozimet dhe intervenimet e tyre sipas nevojave. Aplikantët gjithashtu pritet ta analizojnë potencialin për angazhim të grupeve të synuara dhe ta zhvillojnë një qasje realiste për rritje graduale por sistematike, të përfshirjes së tyre në punën e organizatës.

OJQ-të, nismat e paregjistruara dhe individët e përkrahur do të kenë qasje në mentorim dhe ndërtim të kapaciteteve për avokimin pjesëmarrës dhe mobilizimin e komunitetit, i cili do të sigurojë ndihmë në zhvillimin e planit për përfshirjen e qytetarëve mbi përvojën e tyre të mëparshme të paraqitur në aplikacion. Për udhëzime lidhur me përfshirjen e qytetarëve, ju lutemi shikoni dokumentin e shkurtër Udhëzues për aplikantët: Përfshirja e qytetarëve në [webfaqen e KCSF-së](#).

h. Qeverisja e brendshme

Qeverisja e brendshme e OJQ-së mbetet një aspekt i rëndësishëm në përpjekjet për ta përmirësuar dhe ndërtuar besimin e qytetarëve në sektorin e shoqërisë civile dhe për të qenë në gjendje që organizatat të shërbejnë si shembull.

Të gjithë aplikantët që janë OJQ pritet të japin informacione për mekanizmat e kontrollit të brendshëm, strukturën e menaxhimit, marrjen e vendimeve brenda organizatës dhe menaxhimin financiar. Aplikantët që përzgjidhen për t'u financuar, pas nënshkrimit të kontratave, do të kalojnë nëpër një vlerësim fillestar të kapaciteteve nga KCSF.



Pas këtij vlerësimi fillestar, KCSF-ja do të punojë intensivisht me organizatat e mbështetura për ta zhvilluar një mentorim të përshtatur për adresimin e nevojave të identifikuara, të praktikave të qeverisjes së mirë, të menaxhimit të mirë financiar dhe të parimeve të transparencës, anti-korrupsionit dhe llogaridhënies.

i. Bashkëpunimi/Ndërtimi i aleancave

Për ta nxitur një bashkëpunim më të madh për veprim të përbashkët ndërmjet OJQ-ve, EJA Kosovë do të sigurojë platforma të ndryshme dhe mundësi për takime ku grantisët mund të takohen dhe shkëmbejnë përvoja në mes vete. Organizimi dhe veprimet e përbashkëta për çështje me interes të përbashkët është rezultat i synuar, prandaj pritet që aplikantët e mbështetur të jenë proaktiv për t'i identifikuar dhe kontribuar në mundësitë për mobilizimin e nismave të tjera të shoqërisë civile në fushat e tyre të punës.

Ngjarjet tematike janë një platformë e cila do të jetë në dispozicion për të gjitha organizatat, nismat e pargjistruara dhe individët e mbështetur për të propozuar çështje përkatëse në fushën e tyre të punës dhe/ose çështje që nuk bien drejtpërdrejt në fushën e tyre të punës, por që konsiderohen të rëndësishme, urgjente dhe relevante. Meqenëse qëllimi i EJA Kosovë është të zgjerojë veprimtarinë e shoqërisë civile në të gjithë vendin dhe të kontribuojë në krijimin e lidhjes me qytetarët, synohet që këto ngjarje tematike të organizohen kryesisht jashtë Prishtinës.

j. Temat horizontale

Integrimi gjinor si mjet drejt barazisë gjinore do të jetë një kërkesë horizontale në të gjitha intervenimet. Si rregull i përgjithshëm, të gjithë grantistët e mbështetur pritet t'i shtrijnë intervenimet e tyre në mënyrë të barabartë mes gjinive, të jenë të kujdesshëm për efektet e intervenimit për burra e gra, djem e vajza, si dhe të mos kontribuojnë në stereotipa të dëmshëm. Të gjitha organizatat e mbështetura pritet t'i mbledhin dhe t'i ruajnë të dhënat të ndara sipas gjinisë. Për udhëzime lidhur me integrimin gjinor, ju lutemi shikoni dokumentin e shkurtër [Udhëzues për aplikantët: Integrimi gjinor në webfaqen e KCSF-së.](#)

3. PRANUESHMËRIA E AKTIVITETEVE DHE SHPENZIMEVE

a. Intervenimet/aktivitetet e papranueshme

Intervenimet/aktivitetet në vijim nuk do të mbështeten:

- Aktivitetet që drejtpërdrejt lidhen me partitë politike ose që i mbështesin ato;
- Investimet kapitale;
- Grantet e përbëra tërësisht ose kryesisht nga punët dhe/ose studimet përgatitore;
- Projektet dhe propozimet ndërkufitare për aktivitetet që do të zbatohen jashtë Kosovës;

- Aktivitetet e llojit të shërbimit, si p.sh. ndihma teknike;
- Fushatat e ngritjes së vetëdijesimit pa aktivitete të duhura pasuese;
- Intervenimet që kanë shumë nivele të aprovimit , e që rrjedhimisht përmbajnë në vete rrezik të lartë për efikasitetin gjatë zbatimit dhe arritjen e rezultateve;
- Dhënien e granteve për palët e treta. Ndihma financiare në shkallë të vogël për përfituesit lejohet vetëm në rastet kur të gjitha shpenzimet ekzekutohen nga organizata zbatuese;
- Bursat.

Nëse nuk janë të domosdoshme për arritjen e objektivave të synuara të ndërhyrjes, në parim aktivitetet e cekura më poshtë nuk do të mbështeten:

- Konferencat, diskutimet në tryeza të rumbullakëta ose ngjarjet e ngjashme në vendet (si hotelet) që nuk janë të hapura dhe lehtësisht të qasshme për qytetarët e rëndomtë;
- Hulumtimet dhe studimet e fizibilitetit, posaçërisht si mjet për të hartuar pjesën tjetër të ndërhyrjes;
- Udhëtimet studimore jashtë Kosovës.

b. Shpenzimet e pranueshme

Për t'u konsideruar të pranueshme, shpenzimet duhet t'i plotësojnë kriteret në vijim:

- janë të domosdoshme për zbatimin e suksesshëm dhe arritjen e rezultateve të treguara të intervenimit;
- janë të arsyeshme, të justifikuar dhe përputhen me kërkesat e menaxhimit të duhur financiar, përfshirë llogaritjet e drejta dhe të bazuara në çmimet e tregut dhe efikasitetin e shpenzimeve;
- përputhen me kërkesat e legjislacionit tatimor në fuqi në Kosovë;
- do të ndodhin gjatë zbatimit të grantit;
- janë të paraqitura në buxhetin e propozuar;
- janë të identifikueshme dhe të verifikueshme.

c. Shpenzimet e papranueshme

Shpenzimet e paraqitura më poshtë konsiderohen të papranueshme:

- Për individë dhe nisma të paregjistruara, pagat dhe honoraret;
- Taksat doganore dhe të importit;
- Borxhi ose pagesat për humbje;
- Tatimi mbi vlerën e shtuar - TVSH (për faturat mbi 200 EUR);
- Pagesat e huas dhe të interesit;
- Tarifat e këmbimit të valutave;
- Shpenzimet e amortizimit të pajisjeve;
- Blerja e tokës ose pronës së paluajtshme;
- Blerja e automjetit ose gjeneratorit;
- Pagesa e shpenzimeve që mbulohen nga donatorë të tjerë;
- Kredi për palët e treta.

4. PROCEDURA E APLIKIMIT

a. Dokumentet e detyrueshme

Përveç formularit të aplikimit, që duhet të plotësohet sipas formës së EJA Kosovë për grant të vogël për projekt, aplikantët duhet të paraqesin edhe dokumentet e mëposhtme:

- Nëse aplikanti është individ:
 - o Letërnjoftimi;
 - o Biografi e shkurtër;
 - o Dëshmi se ai/ajo është/ka qenë i/e angazhuar dhe/ose duke punuar në fushën që mbulohet nga programi;
- Nëse aplikanti është nismë e peregjistruar:
 - o Historiku/përshkrimi i shkurtër i nismës;
 - o Lista e emrave, letërnjoftimeve dhe nënshkrimeve të anëtarëve të nismës;
 - o Dëshmi se ata/ato janë/kanë qenë të angazhuar dhe/ose duke punuar në fushën që mbulohet nga programi;
- Nëse aplikanti është OJQ:
 - o Certifikata e regjistrimit të OJQ-së, e lëshuar nga Departamenti për OJQ;
 - o Certifikata e Numrit Fiskal;
- Në rast të bashkëfinancimit për këtë projekt, dëshmia e bashkëfinancimit (p.sh. kontrata, vendimi, letra e zotimit, etj.)

Të gjithë dokumentet e aplikacionit mund të shkarkohen nga webfaqja www.kcsfoundation.org.

b. Dorëzimi i aplikacioneve

Aplikacionet e kompletuara mund të dorëzohen vetëm përmes emailit në adresën aja@kcsfoundation.org.

E-maili duhet ta përmbajë formularin e kompletuar të aplikimit dhe të gjitha dokumentet e obligueshme të theksuara në thirrjen për aplikim. Aplikantëve do t'u kërkohet të verifikojnë nëse aplikacioni i tyre është i plotë duke përdorur listën e kontrollit të paraqitur në formularin e aplikimit. KCSF-ja do ta konfirmojë pranimin e aplikacionit duke iu përgjigjur aplikantit me një email konfirmimi. Aplikacionet që nuk janë në pajtim me rregullat e këtyre udhëzimeve nuk do të shqyrtohen.

c. Afati i fundit për paraqitjen e aplikacionit

Aplikimet për grante të vogla për projekte mund të paraqiten në çdo kohë përderisa thirrja mbetet e hapur gjatë gjithë kohës. Vlerësimi i aplikimeve për periudhën në vijim do të bëhet si më poshtë:

Për të gjitha aplikacionet e paraqitura deri më 30 nëntor 2020 ora 23:59, vlerësimi bëhet gjatë muajit dhjetor 2020/janar 2021;

Për të gjitha aplikacionet e paraqitura deri më 31 mars 2021, ora 23:59 vlerësimi bëhet gjatë muajit prill/maj 2021;

Për të gjitha aplikacionet e paraqitura deri më 30 qershor 2021, ora 23:59, vlerësimi bëhet gjatë muajit korrik/gusht 2021;

Për të gjitha aplikacionet e paraqitura deri më 30 shtator 2021, ora 23:59, vlerësimi bëhet gjatë muajit tetor/nëntor 2021;

Për të gjitha aplikacionet e paraqitura deri më 31 dhjetor 2021, vlerësimi bëhet gjatë muajit janar/shkurt 2022

d. Kontakti:

Për pyetjet lidhur me përgatitjen e dokumenteve për aplikim mund të na kontaktoni në ejainfo@kcsfoundation.org. Të gjitha pyetjet dhe përgjigjet do të publikohen në seksionin Q&A (pyetje dhe përgjigje) të webfaqe të KCSF-së. Aplikantët këshillohen të kontrollojnë këtë seksion, të publikuar në webfaqe.

Luteni ta përdorni vetëm emailin e ejainfo@kcsfoundation.org për komunikim me KCSF-në në lidhje me procesin e aplikimit.

5. VLERËSIMI DHE NJOFTIMI

Vlerësimi i aplikacioneve për Grant të Vogël për Projekt do të bëhet në dy faza:

- 1) Kontrolli administrativ (verifikimi i kriterëve formale) dhe
- 2) Vlerësimi i përmbajtjes (bazuar në kategoritë dhe kriteret e vlerësimit).

a. Kontrolli administrativ (verifikimi i kriterëve formale)


Të gjitha aplikacionet vlerësohen gjatë kësaj faze për të parë nëse kriteret në vijim janë respektuar/dorëzuar:

1. Të gjitha kërkesat administrative dhe teknike të paraqitura në formularin e aplikimit;
2. Dokumentet e detyrueshme, përfshirë edhe pranueshmërinë e organizatave;
3. Shumën e kërkuar; dhe
4. Kohëzgjatjen e grantit.

Aplikacionet që nuk i plotësojnë kriteret e specifikuar do të refuzohen automatikisht.

Rezultatet e përputhshmërisë me kriteret administrative i komunikohen secilit aplikant me shkrim.

b. Vlerësimi i aplikacioneve dhe vendimi përfundimtar



Aplikacionet që e kalojnë pajtueshmërinë administrative do të vlerësohen nga ekipi për vlerësimin e granteve (EVG), i përbërë nga pesë ekspertë të jashtëm me ekspertizë dhe njohuri përkatëse. EVG do t'i vlerësojë aplikacionet në dy faza, përmes: 1) shqyrtimit të dokumenteve dhe 2) intervistave publike.

EVG do t'i vlerësojë aplikacionet në bazë të kriterëve si vijon:

- Cilësia dhe rëndësia e projektit dhe logjika e intervenimit (40%)
- Përfshirja e qytetarëve/grupeve të synuara (40%)
- Përshtatshmëria e kapaciteteve për zbatimin e projektit (10%)
- Efikasiteti i shpenzimeve në buxhetin e propozuar (10%)

Vlerësimi maksimal për aplikacion është 100 pikë.

Pas vlerësimit fillestar të aplikacionit të dorëzuar dhe të gjitha dokumenteve të detyrueshme, aplikantët që marrin së paku **51 pikë** (nga gjithsej 100), si dhe gjysmën e pikëve në dispozicion (50%) në secilën nga të katër kategoritë e paraqitura më lart, do të përzgjidhen në listën e ngushtë.

Të gjithë aplikantët përzgjedhur në listën e ngushtë do të ftohen për intervistë publike. Intervista e aplikantëve të përzgjedhur në listën e ngushtë përbëhet nga një prezantim i shkurtër i propozimit të grantit dhe një seancë pyetje dhe përgjigje me anëtarët e ekipit për vlerësimin e granteve.

Pas kryerjes së intervistave, Ekipi për vlerësimin e granteve rekomandon listën e aplikantëve për ndarjen e granteve. Për t'u konsideruar për financim, aplikantët duhet t'i marrin së paku **71 pikë** në total, si dhe gjysmën e pikëve në dispozicion (50%) në secilën nga të katër kategoritë e paraqitura më lart. Lista e aplikantëve të rekomanduar për një grant do të rishikohet përkundrejt kuotës gjeografike ku të paktën 30% e përfituesve do të jenë organizata me seli dhe që veprojnë jashtë Prishtinës.

Donatorët e kanë të drejtën e vetos për aplikacionet e financuara që konsiderohen se bien ndesh me vlerat e promovuara nga donatori ose përkojnë me intervenimet të tjera të ngjashme. Aplikantët e suksesshëm, përpara kontraktimit, do të ndihmohen nga KCSF-ja në një seancë mentorimi për të finalizuar dosjen e tyre.

c. Njoftimi për vendimin dhe shqyrtimi i ankesave

Secili aplikant që ka marrë pjesë në procesin e aplikimit do të pranojë përgjigje lidhur me procesin vlerësues dhe rezultatin e aplikacionit të tyre, përfshi rezultatin e përgjithshëm. Aplikantët e pasuksesshëm mund të kërkojnë sqarime. Në rast se ata konsiderojnë se propozimi i tyre nuk është vlerësuar bazuar në meritat edhe pas marrjes së sqarimeve shtesë, aplikantët mund të paraqesin një ankesë zyrtare. Procedura për të kërkuar sqarime shtesë ose ankesë është publike në uebfaqen e KCSF-së. Informacioni mbi përfituesit e përzgjedhur të granteve do të publikohet në uebfaqen e KCSF-së pasi të jenë nënshkruar kontratat.

6. DATAT E RËNDËSISHME²

Procesi	Data tentative
Publikimi i thirrjes për grante të vogla për projekte:	Tetor 2020
Sesionet informuese: Detajet do të publikohen në www.kcsfoundation.org	Nëntor 2020
Afati për kërkimin e sqarimeve/pyetjeve	15 Nëntor 2020
Data e fundit në të cilën do të publikohen përgjigjet	22 Nëntor 2020
Informata rreth kontrollit administrativ:	Dhjetor 2020
Informimi i aplikantëve që për zgjidhen në listën e ngushtë:	Dhjetor 2020 / Janar 2021
Intervistat me aplikantët në listën e ngushtë:	Janar 2021
Vendimi përfundimtar:	Janar 2021
Nënshkrimi i kontratës:	Shkurt/Mars 2021
Fillimi i zbatimit të grantit	Mars/Prill 2021

² Datat e rëndësishme do të rifreskohen pas çdo cikli të vlerësimit